



Publicaziuns dalla vischnaunca, jamna 38

Votaziuns federalas e votaziun communal dils 24 da settember 2017

L'urna principala en casa communal ei aviarta sco suonda: Dumengia, ils 24-09-2017, 09⁰⁰ – 11⁰⁰
La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 22 da settember 2017, allas 17⁰⁰**, tier l'administraziun communal (tel. 081 920 36 36).

Levgiament da votar

Mintga votant/a ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.
Ils cedels da votar ston esser sil pli tard la dumengia, ils 24 da settember 2017, allas 11⁰⁰ tier l'administraziun communal.

Aschinavon ch'ei vegn buca risguardau las instrucziuns da votar, ein ils cedels da votar nunvaleivels.

Suprastonza communal

Cussegl da vischnaunca

Rapport dalla seduta dils 15 da settember 2017

En sia seduta dils 15 da settember 2017 ha il cussegl da vischnaunca sut il tgamun da Christoph Berger giu da decider davart in credit net da frs. 133 000.– per sanar e cumpletar la canalisaziun el contuorn dalla Via Veglia, dalla Via Sogn Gions e dalla Via Lucmagn.

Per che la reit da deflussiun (canalisaziun) el contuorn dil quartier Via Veglia, la Via Veglia sezza, la Via Lucmagn e la Via Sogn Gions seigi cumpleta, eis ei era previu da colligiar la canalisaziun d'aua schubra – realisada en connex cun la sanaziun dalla Via Sogn Gions – cun la canalisaziun nova enteifer il quartier Via Veglia. Sil tschancun dalla Via Veglia entochen tiel quartier Via Veglia duei la canalisaziun d'aua tschuffa vegnir remplazzada ed adattada.

Bein ei quell'investiziun colligiada cun considerabels cuosts, denton possibilitescha la cumbinaziun da pliras sinergias la pussevkladad da megliar – cun cuosts raschuneivels – considerablamein la situaziun hydraulica dalla canalisaziun el contuorn Via Lucmagn, Via Cons, Via Sogn Gions e Via Veglia.

A vosta da quellas lavurs ha la Corporaziun d'aua Spina da Vin decidiu da sanar siu conduct cun arver da niev il quartier Via Veglia resp. remplazzar il conduct che vegn neu dalla Via Cons. El medem mument vengnan realisai ulteriurs provediments sco electricitad, scaldament lontan e telecomunicaziun. Aschia eis ei pusseivel da nezegiar sinergias ed optimar ils cuosts per tuts purtaders da provediment participai al project. Ils cuosts nets suenter la deducziun dalla contribuziun digl uffeci da construcziun bassa per sura lavurs muntan a frs. 225 000.–. Per saver realisar las lavurs da dislocaziun en connex cun la nova surbaghegiada (obligaziun tenor plan da quartier) ha la suprastonza communal concediu ils 14 d'uost 2017 in credit da 92 000.–. La summa restonta da frs. 133 000.– ei la cumpart permegliar considerablamein – cun cuosts raschuneivels – la situaziun hydraulica dalla canalisaziun el contuorn Via Lucmagn, Via Cons, Via Sogn Gions e Via Veglia. L'execuziun dallas lavurs duei succeder il medem mument sco la surbaghegiada, per gronda part quest atun ed il rest la primavera 2018. Il cussegl ha concediu il credit da frs. 133 000.– cun vusch unanima. Plinavon ha il parlament communal eligiun unanimamein cussegliera Helga Probst ella cummissiun per la revisiun parziala dalla planisaziun locala. Ella remplazza cusseglier Livio Zanetti ch'ei sereatgs dalla cummissiun ord motivs da scolaziun.

Suprastonza communal



Gesamtmelioration Disentis/Mustér

Verfügungsbeschränkung

Gestützt auf Art. 20 des Meliorationsgesetzes des Kantons Graubünden (MelG; BR 915.100) gibt die Meliorationskommission Disentis/Mustér bekannt, dass sie den Umlegungsban über sämtliche Parzellen der Güterzusammenlegung Disentis/Mustér am 11. September 2017 beschlossen hat. Diese Verfügungsbeschränkung gilt ab sofort. Demnach bedürfen rechtliche und tatsächliche Veränderungen (wie Handänderungen, Bauvorhaben usw.) an den Grundstücken der Zustimmung der Meliorationskommission Disentis/Mustér.
*Amt für Landwirtschaft und Geoinformation
Daniel Buschauer*

Meglieraziun generala da Disentis/Mustér

Restricziun dal dretg da disponer

Sa basond sin l'art. 20 da la lescha da meglieraziun dal chantun Grischun (LMG; DG 915.100) infurmescha la cumissiun da meglieraziun da Disentis/Mustér ch'ella ha concludì ils 11 da settember 2017 in scumond da regroupament sin tut las parcelas da l'arrundaziun dal terren da la meglieraziun generala da Disentis/Mustér. Questa restricziun dal dretg da disponer vala a partir d'immediat. Uschia ston midadas giuridicas ed effectivas (sco midadas da maun, projects da construcziun e.u.v.) sin ils bains immobigliars vegnir approvadas da la cumissiun da meglieraziun da Disentis/Mustér.

*Uffizi d'agricultura e da geoinformaziun
Daniel Buschauer*

Naschientscha

Leon David Deflorin, naschius ils 8 da settember 2017 fegl da Daniela ed Adrian Deflorin-Flepp

Rimnada da pupi

Venderdis, ils 6-10-2017

Adatg! Ei vegn mo rimnau: gasettas, illustradas, catalogs, cudischs e prospects stampai.
Il pupi sto vegnir deponius sper via (sche pusseivel in di avon).

Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada. Bien engraziament per Vies agid e sustegn!

Scolas Mustér, Ch. Berger

600 Jahre Bruder Klaus im Forum Kloster Disentis

Am **Freitag, 22. September 2017**, um 20.30 Uhr spricht im Peter-Kaiser-Saal die Journalistin und Buchautorin Kathrin Benz über das Thema: Der Aussteiger – Bruder Klaus für Skeptiker. Kathrin Benz gehört durch ihre Nidwaldner Mutter zu den zahlreichen Nachkommen des Niklaus von Flüe. Herzliche Einladung

Kloster Disentis, P. Urban Affentranger



Gruppa da seruschnar/termagliar

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas

sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpi-gnia. Vegni e mirei, nus selegrein sin vossa viseta.
Proxima sentupada: **mardis, ils 26 da settember 2017**

Temps: 14.30–16.00
Liug: Casa da scola Segnas, local Artgin, ella 1. alzada
Prender cun: marena e scalfins

Ulteriuras informaziuns e datums anfleis Vus sut www.uddm.ch
Cordialmein envida

Uniun da dunnas, ressort affons

Uniun da gimnastica UGM

La gimnastica per seniors e giuvens seniors entscheiva **gliendisdis, ils 25 da settember 2017** allas 20.00 el center da sport e cultura. Novizs ein cordialmein beinvegni.
Amicabels salids

La suprastonza

Gruppa da viandar Rein anteriur

*Meierhof–Giraniga–Huot–Imschlacht–Miraniga–Meierhof***
Meierhof–Tobel–Zarzana–Ober Huot–Imschlacht–Miraniga–Meierhof ***

Datum Gievgia, ils 28 da settember 2017

Sentupada 8.15 Glion staziun/posta
Partenza 8.35 Glion–Sursaissa
Viadi a pei tura greva: quater uras, ensi 542 m/engiu 542 m
tura mesauna: treis uras, ensi 426 m/engiu 426 m
Bigliet collectiv naven da Glion
Proviantaziun ord sacados
Menaders Franco Calanchina, 079 574 24 37 ***
Sr. Ida Fassbind, 079 673 73 53 **
Romy Aubry, 077 445 07 26 **

Annunzias

Gliendisdis sera, ils 25 da settember 2017, sche pusseivel denter las 18.00 e 20.00 als posts regionalis.
Novizs ein beinvegni e duein s'annunziar tier in dils menaders.
Foppa e Rueun a Emilia Rensch, Surcuolm,
tel. 081 933 14 78 ni ce.rensch@gmx.ch
Lumnezia a Pius Elvedi, Cumbel,
tel. 081 931 16 07 ni pelvedi@bluewin.ch
Curaglia tochen Tavanasa, Willi Lozza, Mustér,
tel. 081 947 58 83 ni willi.lozza@bluewin.ch
Schebein il viadi ha liug ni buc, enderschis Vus il di avon naven dallas 10.00, e quei tier il menader ni tel. 1600 (clubs/uniuns).



Wandergruppe Vorderrhein

*Meierhof–Giraniga–Huot–Imschlacht–Miraniga–Meierhof****

*Meierhof–Tobel–Zarzana–Ober Huot–Imschlacht–Miraniga–Meierhof ***

Datum Donnerstag, 28. September 2017

Treffpunkt 8.15 Ilanz Post/Bahnhof

Abfahrt 8.35 Ilanz–Obersaxen

Wanderung schwer: 4 Std., Auf-/Abstieg 542/542 m
mittel: 3 Std., Auf-/Abstieg 425/425 m

Billett Kollektiv ab Ilanz

Verpflegung aus dem Rucksack

Anmeldung Am Montagabend 25. September 2017, wenn möglich zwischen 18–20 Uhr (siehe romani scher Teil)

Über die Durchführung geben die Leiter oder Tel. 1600, (Clubs/Vereine), am Vortag ab 10 Uhr Auskunft.

Uniun da gimnastica da dunnas Mustér Frauenturnverein Disentis

Die nächsten Daten für das **Line-Dance**-Angebot einmal im Monat lauten wie folgt:

Donnerstag, 5. Oktober, 2. Nov., 30. Nov. 2017, um 19.15 Uhr im Center da sport e cultura in Disentis. Wir laden alle Tanzbegeisterten ein, bei uns hereinzuschauen. (Tel. 079 672 50 46)

Frauenturnverein Disentis

Las datas per nossa purschida **Line-Dance** ina ga per meins ein:

Gievgia, ils 5 d'october, 2 e 30 da november 2017, allas 19.15 uras el Center da sport e cultura Mustér. Nus envidein tuttas interessadas pil sault – vegni tier nus en halla da gimnastica! (tel. 079 672 50 46)

El num dalla uniun da gimnastica da dunnas Mustér

Referat: Acziun pacs da Nadal

Tgei ei schabegiau cun ils ca. 230 pacs ch'ei vegni rimnai il november 2016 en nos vitgs? Michael Stauffer dalla Ostmission rauenta sur dalla distribuziun dils pacs e co els han purtau ventira e speranza.

Margis, ils 3 d'october allas 19.30

Casa Cumin/Rathaus Ilanz

Cordialmein envida Team acziun pacs da Nadal (Mira era annunzia sin tabla nera.)

Cuors agid d'urgenza

L'uniun samaritana Mustér organisescha in cuors d'agid d'urgenza.

Datum: **Venderdis, ils 13 d'october**, 19.30–21.30

Sonda, ils 14 d'october,

8.30–12.00/13.00–17.30

Liug: Casa da scola, Mustér

Annunzias: Ein da far entochen ils 4 d'october 2017 tier:

Martina Giger, tel: 079 299 36 13

e-mail: martina.casanova@gmx.ch
